



Inatsisartuni ilaasortamut
Karen Marie Kyed Frederiksen
Demokraatit

03-06-2024
Suliap normua 2024-10523
Allakkap ilisarnaataa 24285057

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
Email: iian@nаноq.gl
www.naalakkersuisut.gl

§37 naapertorlugu apeqqutip akissutaa nr. 042-2025 ulloq unnuarlu paaqqinnittarfinnut inissisarnermi aningaasartuutit pillugit

Asasara Karen Marie Kyed Frederiksen.

Apeqqutinut qujanaq. Apeqqutit tullinnguuttut ataasiakkaarlugit assilinqarsimapput, akissutiniq tullegarlutik.

1. Qanoq ilillutik akit pisortat akilertagaat aalajangersarneqartarpat, meeraq ulloq unnuarlu angerlarsimaffimmut inissinneqaraangat?

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat naapertorlugu akigitit Naalakkersuisut kommunillu akornanni isumaqatiginninniutaasarput. Ulloq unnuarlu paaqqinnittarfiit imminut pigisut kommuninut ataasiakkaanut akigitit pillugit nammineq isumaqatiginninniarfigisarpaat. Akuerinnittariaatsimi pitsaassutsit qulequtaannut ilaammata, ulloq unnuarlu paaqqinnittarfiup akuerineqarnerani akigitit aamma akuerineqartarput. Meeqqat pisariaqartitaat assigiinngitsuummata tamassumalu ulloq unnuarlu paaqqinnittarfiup isumagisinnaanissaa pillugu akigitit ataasiakkaartumik isumaqatiginninniarnernikkut allanngortinneqarsinnaapput.

a. Akit maannakkut atuuttut Naalakkersuisunit nalunaarutigeqquneqarput

Namminersorlutik Oqartussat ulloq unnuarlu paaqqinnittarfiutaasa 2025-mi ullormut akigititaannik allattorsimaffiat:

Inuusuttut Inaat.....	2.662 kr.
Aja	3.373 kr.
Kaassassuk	4.641 kr.
Meeqqat Illuat	3.235 kr.
Ivaneq	2.971 kr.
Qasapermiut	3.764 kr.
Pilutaq.....	3.601 kr.
Sarliaq.....	3.114 kr.
Meeqqat Angerlarsimaffiat	3.372 kr.
Prinsesse Margrethep meeqqanut angerlarsimaffia.....	2.699 kr.
Isikkivik.....	3.582kr.



2. Ulloq unnuarlu angerlarsimaffimmut ersarissumik isumaqatigiissusiortoqartarpa, meeqqap inissinneqartup qanoq sullinneqarnissaa naatsorsuutigineqassanersoq?

Meeqqat tapersorsorneqarnissaannut Inatsisartut inatsisaanni §5 naapertorlugu kommunit ataasiakkaat meeqqap angerlarsimaffiup avataanut inissinneqarnissaa pillugu aalajangiisartuupput. Tamatumunnga atatillugu kommune isumaginninnikkut misissuineramik, iliuusissatut pilersaarummik aalajangiinerlu pillugu allakkamik suliaqartarpoq. Ilaqutariinnik paarsisartunik pisariaqartitsisoqarnersoq imaluunniit immikkut ittumik perorsaariaatsimik taamaallaat ulloq unnuarlu paaqqinnittarfimmi neqeroorutigineqarsinnaasumik pisariaqartitsisoqarnersoq kommunip tamanna isummerfigissavaa.

Tamatuma kingorna suliaq innersuunneqarnissaannut Isumaginninnermut Aqutsisoqarfiup Ulloq Unnuarlu Inissitsiterinnermullu Immikkoortortaqarfianut nassuunneqassaaq, tassani paaqqinnittarfimmut meeqqap pisariaqartitaannut sapinngisamik pitsaanerpaamik naleqquttumut ataatsimut arlalinnulluunniit najugaqarnissaaq pillugu neqeroorusiortoqassaaq. Meeraq innersuunneqaraangat taamaattumik kommune ataatsimik arlalinnulluunniit neqeroorfigineqartarpoq neqeroorullu sorleq toqqassanerlugu nammineq aalajangertarpaa.

Kommunip ulloq unnuarlu paaqqinnittarfimmik suleqateqarluni isumaqatigiissusiornissani toqqarsinnaavaa, tamannali inatsimmi piumasaqaataangilaq.

a) Qanoq ililluni nakkutigineqartarpa, isumaqatigiissut taanna isumaqatigiissutillu assigusut ulloq unnuarlu angerlarsimaffimmit malitsinneqarnersut?

Ulloq unnuarlu paaqqinnittarfik inatsisartut pisussaaffiit naapertorlugit ukiumoortumik killiffik pillugu nalunaarusiat aqutugalugit meeraq pillugu paasissutissanik marloriarluni nassiuussisarpoq ukiumullu ataasiarluni ulloq unnuarlu paaqqinnittarfik katsorsaanissamut pilersaarusiortoqarpoq.

Kommunit ataasiakkaat ukiumoortumik iliuusissatut pilersaarusiap suliarineqarsimasup malitseqartinneqarnissaanik pisussaaffeqarput.

Isumaginninnermut, Suliffeqarnermut Nunamullu Namminermut Naalakkersuisoqarfimmi Nakkutilliinnermik ingerlatsivik Kalaallit Nunaanni ulloq unnuarlu paaqqinnittarfiit tamaasa nakkutilliiffigisarpai.

i) Suut kingunerutinneqassappat ulloq unnuarlu angerlarsimaffimmut, isumaqatigiissut aammalu isumaqatigiissutit allat malitsinneqanngippata?

Meeqqanut ataasiakkaanut iliuusissatut pilersaarusiap malitseqartinneqarnissaat kommunip pisussaaffigai. Ulloq unnuarlu paaqqinnittarfiup iliuusissatut pilersaarummi allassimanngitsunik suliniuteqarnerunissaaq pisariaqartinneqarnersoq ingerlaavartumik aamma maluginiartarsinnaavaa, taamaattumillu iliuusissatut pilersaarutip malitseqartinneqarnissaa eqquutsinneqarnissaalu kommunimut, ulloq unnuarlu paaqqinnittarfimmut Isumaginninnermullu Aqutsisoqarfimmi innersuussisartoqatigiinnut soqutigisaqatigiiffiuvoq.

Iliuusissatut pilersaarut malinneqarsimanngippat, meeqqap pisariaqartitaanik matussusiinissaaq anguniarlugu kommunip ulloq unnuarlu paaqqinnittarfiup Isumaginninnermullu Aqutsisoqarfimmi inissisartoqatigiit akornanni oqaloqatigiinnerit aallartinneqassapput. Iliuusissatut pilersaarut imaluunniit isumaqatigiissut saqqummiunneqarsimasoq eqquutsinneqarsimanngippat, qanoq kinguneqartitsisoqassanersoq kommunimit aalajangerneqartassaaq.



3. Akigititap assigiinngissutaa qanoq annertutigaa meeqqap ilaqtariinnut inissinneqarnerani aammalu ulloq unnuarlu angerlarsimaffimmut inissinneqarnerani?

Ilaqtariit paarsisartut pillugit Namminersorlutik Oqartussat nalunaarutaanni nr. 13 10.oktobari 2019-imeersumi § 21, imm. 3 naapertorlugu takuneqarsinnaavoq:

Imm. 2 malillugu meeqqamik inuusuttumilluunniit ilaqtariinnut paarsisartunut inissiineq, perorsaaneq isumassuinerlu eqqarsaatigalugit ilaqtariinnut paarsisartunut immikkut perorsaanikkut isumassuinnikkullu suliniarnartuuppat paaqqinninneriutit naalakkersuisoqarfimmit annertussusilerneqartut 700 pct-it tikillugit qaffanneqarnissaat kommunalbestyrelsen aalajangersinnaavaa.

Ilaqtariinnut paarsisartunut ataasiinnarmik assigiissakkamik qitiusumik akigititanik aalajangersaasoqarnikuunngilaq. Tamanna piviusumi isumaqarpoq paaqqinninnermusiat assigiinngiaartuusut. Akigititat massakkut atorneqartut takussutissiami takuneqarsinnaapput,

Paaqqutarinneriaaseq	Meeqqamut ataatsimut qaammammut paaqqinninnermusiat	Akileraa-rutinut ilassut:	Paaqqinninnermusiat katillugit	Ilaqtariinnut paarsisartunut qaammammut nerisassarsi-niutissat	Qaammammut katillugit
Paaqqutarinninneq nalinginnaasoq (100%)	5.764 kr.	4.323 kr.	10.087 kr.	1.398 kr.	11.485 kr.
200 %-imik qaffaaneq	11.528 kr.	4.323 kr.	15.851 kr.	1.398 kr.	17.249 kr.
300 %-imik qaffaaneq	17.292 kr.	4.323 kr.	21.615 kr.	1.398 kr.	23.013 kr.
400 %-imik qaffaaneq	23.056 kr.	4.323 kr.	27.379 kr.	1.398 kr.	28.777 kr.
500 %-imik qaffaaneq	28.820 kr.	4.323 kr.	33.143 kr.	1.398 kr.	34.541 kr.
600 %-imik qaffaaneq	34.584 kr.	4.323 kr.	38.907 kr.	1.398 kr.	40.305 kr.
700 %-imik qaffaaneq	40.348 kr.	4.323 kr.	44.671 kr.	1.398 kr.	46.069 kr.

- Paaqqinninnermusiat 75 %-ii akileraarutitigut tapeqartinneqartarput.
- 2024-mi ukiup ingerlanerani **meeqqat 539-t** ilaqtariinni paarsisartuniissimapput, **meeqqaniillu 539-nit 144-t** akissarsiat qaffaatitallit atuutsinneqarput, takuuk Kalaallit Nunaanni Naatsorsueqqissaartarfik.
- Ilaqtariit paarsisartut **26,72 %-ii** qaffaatitalimmik paaqqinninnermusiaqarput.

Ulloq unnuarlu paaqqinnittarfinnut assigiinngitsunut meeqqamut ataatsimut ukiumut agguaqatigiissillugit aningaasartuutit katillugit kiisalu qaammammut agguaqatigiissillugit aningaasat tunniunneqartartut takussutissiami takuneqarsinnaapput, ulloq unnuarlu paaqqinnittarfiit assigiinngitsut ukuupput: **ulloq unnuarlu paaqqinnittarfiit imminut pigisut, Namminersorlutik Oqartussanit pigineqartut aamma kommunit pigisai.** Kisitsisit paaqqinnittarfiup suuneri malillugit aningaasartuutitut naapertuupput aamma



paaqqinnittarfiit assigiinngitsut akornanni aningaasartuutaasa inissisimaffiit sanillersuussinissamut atorneqarsinnaapput.

Suussuseq	Meeqqamut ataatsimut ukiumut agguaqatigiissillugit	Meeqqamut ataatsimut qaammammut agguaqatigiissillugit
Imminut pigisut	1.419.558 kr.	120.143 kr.
Namminersorlutik Oqartussanit pigineqatut	1.269.357kr.	106.230 kr.
Kommunit pigisai	912.500 kr.	76.042 kr.

4. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Paaqqinnittarfinnut akigititanik naapertuunnerusumik inissiinissamut qulakkeerinninnissaq siunertaralugu iluarsinissamut Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat Meeqqanut, Inuusuttunut Ilaqutariinnullu Naalakkersuisup misissuleruttoraq ilisimatitsissutigineqarsinnaavoq.

Inussiarnersumik Inuulluaqqusillunga

Mads Pedersen